

Dienelkander



Nuusbrief van die Gereformeerde Kerk Potchefstroom-Oos

17 November 2019

OGGENDDIENS: Ds Piet Venter

Wat 'n wonderlike voorreg om vandag saam aan die tafel van die Here te sit en die tekens van brood en wyn te ontvang om ons geloof te versterk. Almal wat aansoek gedoen het om saam met ons Nagmaal te gebruik word hartlik uitgenooi. Baie welkom aan gaste wat vandag saam met ons is.

Woodverkondiging

Ons het verlede Sondag met voorbereiding gehoor dat Christus die enigste Hoop vir ons land en sy mense is! In Hom is daar vir ons ware hoop op hierdie lewe en die ewige lewe. Vandag leer ons hoe hierdie hoop in Christus in ons gewerk word deur die lewenskrag wat Christus ons sken!

Tema: Christus is ons lewenskrag

Ons ken die geheim van die lewe en kan dit vanoggend weer geniet. Die geheim van die lewe is Christus. Hy is ons lewenskrag en Hy gee dit weer vandag vir ons. Daarmee staan ons soos palmbome fier en regop, reikende na die hemel, ver bo die ellende van hierdie lewe!

Kom, laat Christus jou vandag voed en Sy lewenskrag skenk! Met hierdie krag is ons lewe 'n oorwinningsfees!

God en ons ontmoet mekaar

Intreelied Sb 10-2; Votum; Seën; Lofsang
Ps 92-1: 1, 2, 3; Geloofsbelofte

Ons verootmoedig ons voor God

Nagmaalsformulier met die aksente van J Calvyn (deel 1); Wet uit Eksodus 20; Sing

Ps 51-1: 1, 5, 6; Gebed

God bedien aan ons sy Woord en ons ontvang dit aktief in geloof

Skriflesing: Psalm 92;
Tekstvers Psalm 92: 14;
Woordverkondiging; Sing staande Ps 92-1: 5

Sakramantbediening

Nagmaalsformulier (deel 2) ; Sing Sb 17-3: 1, 2;
Nagmaalbediening;

Ons antwoord op die Woord en Sakrament

Sing aan tafel: Ps 118-1: 7; Gebed; Sing
Ps 118-1: 14; Liefdegawes; Sing Ps 92-1: 6, 7;
Seën; Amenlied Sb 13 – 3.

GROEPBEDIENING

Ons Woordbediening vind vanaand in kleingroepe plaas. Daar kom ook 'n groep om 17:00 by die kerk bymekaar.

MEELEWING

- Jasper Venter (Groep 39 - 082 854 7229) is die week weer in Pretoria-Oos se ISE opgeneem met hartprobleme maar is intussen weer ontslaan. Hulle begin volgende week met bestralingsbehandeling saam met chemoterapie.
- Pieter de Villiers (Groep 21 - 082 416 3998) se knievervangingoperasie het goed afgeloop.
- Susamarie de Villiers (Groep 21 - 082 416 3998) word steeds in Medikliniek behandel vir infeksie. Dit gaan al beter met haar.
- Kiettie Willemse (Groep 22 - 082 413 1782)

se operasie het goed afgeloop en sy herstel tuis.

- Laura Opperman (Groep 26 - 076 978 3999) ervaar die afgelope tyd erge pyn met water op die een knie. Dis met groot moeite wat sy loop. 'n Knievervanging is in die vooruitsig, maar moet wag tot sy weer haar kragte opgebou het. Ons bid dat die Here haar die krag en vasbyt sal gee om weer op die been te kom.

Ons bid dat die Here beterskap, herstel, bemoediging en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Isak vd Walt, Bert en Gep Floor, Jacoba v Rooy, Magdaleen Venter, Koos en Marlene Jooste, Lana Labuschagne en Annette Coetsee.

ONDERSTEUNING VIR SIEKES

Vir ondersteuning of besoek deur die hospitaalbesoeke-diensgroep, skakel hierdie week vir: siekes@oosdoppers.co.za of Anna Smith (082 765 9813) en Lou en Magdaleen Venter (082 566 5879) Medikliniek = 09:00-13:00 en 15:00-20:00 Mooimed = 11:00-11:30 en 15:00-16:00 en 19:00-20:00 Potch Hospitaal = 15:00-16:00 en 19:00-20:00

ONS GROET

Ons neem vandag afskeid van Herrie en Jacoba van Rooy wat met attestaat na GK Wierdapark vertrek. Ons is baie dankbaar vir die kosbare bedieningswerk wat hulle in ons gemeente gedoen het met huisbesoeke, bejaardesorg, prediking en leiding by kleingroepe. Ons bid hulle die Here se seën toe in hulle nuwe lewensomstandighede en veral wat Jacoba se gesondheid aanbetrif: mag die Here beterskap gee.

LOSMAKING UIT DIENSWERK

Die kerkraad verleen graag losmaking uit die diens van ouderling aan Pierre Viviers, Giel Vermeulen en Hanno van Schaik. Ons wil hulle almal bedank vir hulle dienswerk die afgelope tyd.

SPESIALE WOORD VAN DANK AAN HANNO

Hanno en Lizani van Schaik vertrek ook eersdaags uit ons gemeente en ons wil ook vanmore vir hom van harte bedank vir die kosbare dienswerk wat hy in ons gemeente gedoen het met betrekking tot die vestiging en uitbou van ons naskoolse jeugbediening asook pastorale werk onder jongmense.

Hanno word eerskomende Dinsdag deur die kerke finaal getoets met die oog op toelating tot die bediening en ons bid dat dit alles goed sal verloop en dat die Here hulle spoedig na 'n gemeente sal roep.

NAME VIR GOEDKEURING VIR DIE DIENS VAN OUDERLING

Die volgende persone word as ouderlinge voorgehou aan die gemeente vir goedkeuring: Neels Coetzer en Thys Botha.

BAIE GELUK

Jan Riekert het verloof geraak aan Marietjie Greyling! Baie geluk Jan en Marietjie, asook Hendrik en Marinda!

VERTREK MET BEWYS VAN LIDMAATSKAP

Michelle Mynhardt (Nee Bezuidenhout) wat met bewys van lidmaatskap na die Nederduits Hervormde Kerk Potchefstroom-Suid vertrek.

GEMEENSKAP OPGESê

Johan en Therese Coetze sê gemeenskap op met die Gereformeerde Kerk.

PROGRAM VAN DIE WEEK

Vandag

09:00 Gebedsgroep
09:30 Oggenddiens: Nagmaal
Geen Kleuterbediening
Tee en koffie in die Skuur
11:00 Kleuters vertrek na Ons Hulde
12:00 Nagmaalete
Jong Volwassenes se Bybelstudiegroep afsluiting
Groepbedieninge

Maandag

17:15 Finans: Tel
18:00 Kersmark

Dinsdag

17:00 Finansdiensgroep vergadering
18:30 Spesiale Bediening diensgroep
vergadering

Volgende Sondag

17:30 vir 18:00 Kerssangdiens (Die Bult)

AFKONDIGINGS

- Liefdegawe vanoggend vir Barmhartigheid (Zapper betaal-metode beskikbaar)
- Gawe by die deure vanoggend vir die Diakonie.
- Gawes volgende Sondag vir die Diakonie.
- Vrywillige bydrae vir voertuigsekuriteit in die bussies by die deure.
- Diensbeurte: Groep 22 en 23.

VERJAARSDAE

Baie geluk aan almal wat DV hierdie week verjaar!

Dinsdag, 19 November

Br Etienne Delport 079 517 3386

Woensdag, 20 November

Br Roelf Kleynhans 083 264 3191

Vrydag, 22 November

Jsr Nichelle Alberts

Saterdag, 23 November

Br Klaas Smits 072 430 1710

Br Japie Visser 073 785 5669

JEUBEDIENING DINKSKRUM

Baie dankie vir almal wat hierdie geleentheid bygewoon het om saam met ons vir die nuwe jaar te beplan! Baie dankie vir Heleen Coetzee wat vir ons die reellings vir die geleentheid getref het.

KLEUTERBEDIENING: AFSLUITING

Baie dankie Cindy en Hestie dat julle die afsluiting vir die kleuters so spesiaal gemaak het. Dankie ook aan al die ouers wat gesorg het dat hulle kleuters deel is van hierdie spesiale afsluiting.

ALMANAK 2020

Lidmate wat die Almanak bestel het kan dit in die kerkkantoor af haal - R86 elk.

KERSMARK 2019

Lieve gemeente

Daar is bietjie meer as 'n week oor voordat ons Kersmark begin!! Ons het u hulp baie nodig om 'n suksesvolle kersmark aan te bied. Daar is **lyste** in die voorportaal sodat almal 'n goeie geleentheid het om hulle name op te skryf en aan te dui waar hulle bereid is om te help. Ons het ons gemeente se ondersteuning baie nodig om van hierdie geleentheid 'n sukses te maak. Ons benodig die volgende items om te leen/skenk tydens die kersmark:

LEEN:

Vierkantige (1m x1m) plastiese tafels
Waaiers
UPS'e

SKENK:

Battery (AA)
A4-Papier
Lamineersakkies (A4 en A3)
Blatjang
Mayonaisse
Suiker
Koffie
Tee
Cappuccino-sakkies

HULP:

Opsit van vensterplakkate
Ander hulp op hulplyste in voorportaal!

KERSSANGDIENS: 24 NOVEMBER

Die Oos-Doppers word hartlik uitgenooi na ons gesamentlike kersdiens DV volgende Sondagaand by die BULT.

Dit beloof om weer 'n geleentheid te wees waar ons om die Woord van die Here en met heerlike samesang die geboorte van ons Here Jesus vier. Hierdie jaar gaan die Puk-koor en Antoinette Olivier ons lei en saam met ons die aand besonders te maak. Nooi asb julle vriende saam na die geleentheid toe.

Hoewel die diens formeel om 18:00 begin gaan daar reeds koersang vanaf 17:30 wees om u te verwelkom. Maak ook asb 'n tydjie om na die diens saam met ons koffie te drink.

POS BESKIKBAAR: KOSTER GK POTCH-OOS

Aansoeke vir die pos as koster van GK Potchefstroom-Oos word tans ingewag by die kerkkantoor. Ons huidige kosterpaar beoog om einde van 2019 "af te tree".

Posbeskrywing:

Die Koster is onder andere verantwoordelik vir die instandhouding van die terrein en geboue van die GK Potchefstroom-Oos in samewerking met die Eiendom diensgroep. Die instandhouding van alle toerusting, wat onder hierdie verantwoordelikhedsarea val. 'n Verskeidenheid take voor en tydens eredienste en ander byeenkomste om te verseker dat alles vlot verloop.

Die oop- en toesluit asook skoonmaak van die kerkterrein en kerkgeboue. Toesighouding oor die kerk se dienswerkers, fasiliteite, tuin en terrein.

Die ideale kandidaat moet oor die volgende bevoegdhede beskik:

Betroubaar en stiptelik wees;
Vermoë om te kan organiseer;
Ervaring in toesig van personeel;
Goeie interpersoonlike en kommunikasievaardighede;
Goeie spanvaardighede (moet saamwerk met leraar, kantoor-personeel, orrelis);
Bereid wees om aktief by die gemeente in te skakel.

'n Volledige taaklys sal by die onderhoud bespreek word. Belangstellendes word versoek om 'n CV met dekbrief voor of op 25 November 2019 te stuur aan kerkkantoor@oosdoppers.co.za. Die suksesvolle kandidaat moet beskikbaar wees om so spoedig moontlik na 1 Januarie 2020 diens te aanvaar. Navrae kan gerig word aan die kerkkantoor by 018 290 7690 (Ma-Vr 08:00- 13:00) of per e-pos aan kerkkantoor@oosdoppers.co.za

KENNISGEWINGBORD

- Gereformeerde Kerk Potchefstroom: Oktoberfees
- Gereformeerde Kerk Cachet: Eerstejaarskamp 2020

- Frankford Riviertoer: 1 Des - 4 Des

BEROEPE PENUUS

BEROEPE ONTVANG

- Proponent KT Mogale (Tebigo) na GK Mamelodi-Wes

BEROEPE AANVAAR

- Ds GP Meijer (Gerben) van GK Vryburg/Bloemburg na GK Waterkloofrand
- Proponent KT Mogale (Tebigo) na GK Mamelodi-Wes
- Ds HL Stavast (Henk) van GK Totiusdal na GK Nylstroom

ALGEMENE INLIGTING

LIEFDEGAWES VIR BARMHARTIGHEID (DIAKONIE)

ZAPPER (Selfoon toepassing)

Hierdie QR-simboolkode is gekoppel aan die Diakonie se rekening en **slegs bydraes vir Barmhartigheid** kan daarmee gemaak word - geen ander betalings aan die Diakonie of kerkraad nie



KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt
– 082 851 3637

Kerkkantoor: Adele 018 290 7690 / kerkkantoor@oosdoppers.co.za

Kosterspaar: Johan 061 336 7255
Elsa 073 959 8051



SUSTERS IN DIE GELOOF

“Om-gee-wingsbewus”

Teeskinkgeleenthede

- *Baie dankie aan die groepsusters en hulle groepe se susters, broers en kinders wat met die skink en opwas help!*
- *Ons moedig susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

Tee word **vandag** deur die volgende groeplede en hul groepsusters bedien: Sonette Turkstra en groep 5, Erika Rood en groep 14, Lana Laufs en groep 25, asook Stephanie Earle en groep 34.

Volgende week skink Karin Kruger en groep 6, Naetta van Zyl en groep 15, Mari Steyn en groep 27, asook Nelleke du Toit en groep 35 se susters, tee. Baie dankie julle!

Blikkies-warmharte



Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooï en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. **Baie dankie vir julle getroue bydraes!**

Sustersbydrae

 Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelingsgeleenthede geïn word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee

Baie dankie

Baie dankie aan Elsie Ferreira en haar span van Blok D vir 'n heerlike susters-afsluiting. Ons het die aand baie geniet en lekker saam gekuier.

Baie dankie ook aan Hestie Janse v Rensburg en die dames van Blok A wat vandag regstaan met 'n heerlike nagmaalete. Ons waardeer julle moeite met die voorbereiding en aanbied van die ete baie!

Belangrike datums vir die maand

DATUM	DAG	TYD	WIE	WAT
29 Nov – 7 Des	Vry - Sat	07:00 tot 20:00	Almal	Mooirivier Kersmark
3 Des	Dinsdag	10:00	Bestuur en groepsusters	Bejaarde lidmate: afsluiting

Baie dankie aan ons borg van die week!

**VIVIERS INGELYF
PROKUREURS**

Skakel Pierre Viviers vir die volgende regsdienste:

* Opstel van testamente	Eerstevloer
* Boedel- en aftreebeplanning	Octrongebou
* Bereddering van bestorwe boedels	James Morokalaan 62
* Stigting van trusts	Potchefstroom
* Registrasie van onroerende eiendom	☎ (018) 297-5201 k/u
* Siviele litigasie – Hoë- en Landdroshof	
* Skuldinvorderings	
* Huweliksvoorwaardeskontrakte	
* Lugvaartregsdiensste	
* Lugvaartversekering – FSP nommer 43890	pierre@viviersattorneys.co.za